

Bilbo, 2015eko urriaren 13a

Lankide estimatua:

Legelarien Euskal Kontseiluak Kontseiluko Letratu Koordinatzailearen lanpostua betetzeko deialdia egitea erabaki du; lanpostu hori meritu-lehiaketaren bidez beteko da.

Meritu-lehiaketak ondoko arauak izango ditu:

**Letratu koordinatzaileak Legelarien Euskal Kontseiluan dituen eginkizunak:**  
Kontseiluko Letratu Koordinatzailea hainbat arlotan arituko da:

- **Abokatu** gisa: Kontseiluak epaitegietan duen edozein auzitan arituko da. Gehienetan, deontologiarekin lotuta dauden auziak izango dira, Administrazioarekiko auzietako jurisdikzioan. Hala ere, edozein arazo judizialtan parte hartzeko gertu egon behar du. Beraz, gure lanbideari dagozkion prozesu judizialak eta zuzenbideko gaiak aurrera eramateko profesionala behar dugu, azken finean, Kontseiluko abokatua izango da eta.
- **Legelari** gisa: deontologiako gaietan aditua izan beharko da, izan ere Kontseilua osatzen duten elkargo profesionaletako Gobernu Batzordeen akordioak errekurritzen direnean, berak proposatu beharko du gora jotze errekurtsoen ebazpena. Hori dela eta, deontologiaren eremua zehatz-mehatz ezagutu behar du; kontuan hartu behar da legelariaren ebazpen-proposamenak Kontseiluaren eta elkargo baten aurkako auzia ekar dezakeela.
- **Koordinatzaile** gisa: batetik, Kontseiluak garatutako ekintza guztien berri izan eta nolabaiteko ardura ukan beharko du; bestetik, abokatutzak lanbide mailan, estatu mailan edo nazioarte mailan dituen politikak ezagutu beharko ditu eta, ondorioz, esparru horietan Kontseiluko kideei proposamenak egin eta informazio emateko gai izan beharko da.
- Kontseiluko lehendakari eta kideekin batera, **koordinazio lanak** egin beharko ditu. Horrela, Kontseiluaren eta bestelako erakunde publiko edo pribatuen arteko lankidetzak bideratuko du, Kontseiluaren politikak garatzeko.
- Azkenik, Kontseiluko bulegoaren (bulego administratiboa) ardura bere gain hartu beharko du.

**Kontratazioa:** zerbitzuak emateko kontratua egingo da, urtebetekoa, eta beste bi urtez luzatu ahal izango da, alderdi biak ados badaude.

**Ordainsariak: 25.425 euro**, urteko ordainsari gordin modura; horri urtero KPI gehituko zaio; hilero ordainduko da, faktura egokia aurkeztu ondoren; fakturan BEZ eta PFEZri dagokion atxikipena egingo da.

Bidaia-gastu guztiak Kontseiluaren kontura izango dira, bidaia Kontseiluaren esparru geografikoaren barruan zein kanpoan gertatu.

Legelariak erabateko disponibilitatea izan behar du Kontseiluarekiko, harremanak izaera eskusiboa izan gabe. Horrenbestez, Letratu Koordinatzaileak Bizkaiko Jaurerriko Abokatuen Bazkun Ohoretsuko eraikinean dauden Kontseiluko bulegoetan egon beharko du lanak hala eskatzen duenean edo Kontseiluak eskatzen dioenean.

Lana behar bezala betetzeko, Legelarien Euskal Kontseiluak bulegoa eta lanerako behar dituen baliabide guztiak (pertsonalak eta materialak) eskainiko dizkio legelariari.

**Hautagaiak:** Lanpostura aurkezteko beharrezkoa da jardunean egotea eta egoitza izatea Legelarien Euskal Kontseiluko esparruko edozein elkargotan; gainera, abokatutzan gutxienez bost urteko esperientzia izatea eskatzen da (deialdi honen data kontuan hartuta).

**Eskabideak:** Hautagaiek eskabidea postaz edo bertara hurbilduz egin dezakete (helbidea hauxe da: Uribitarteko Aldapak kalea, 3 - 3. solairua, 48001-Bilbo; orduategia: 9:00 - 14:00); eskabidea posta elektronikoz ere egin daiteke (helbidea: [secretaria@abogaciavasca.net](mailto:secretaria@abogaciavasca.net)).

Hautagaiek interesgarritzat jotzen dituzten merituak aipatu eta erantsiko dizkie eskariei. Nahitaezko antzintasuna frogatzen duen elkargoko ziurtagiria ere erantsi beharko dute.

**Egutegia:** Hautagaitza aurkezteko epea aurtengo azaroaren 13an bukatuko da, eguerdiko ordu batean.

**Ebazpena:** Legelarien Euskal Kontseiluaren osoko bilkurak meritu-lehiaketari buruzko erabakia aurtengo abenduan egingo duen bileran emango du.

Adeitasunez,

